

崇陽縣志卷七目錄

選舉志

薦辟

進士

舉人

貢士

恩貢歲貢拔貢副貢優貢合載例  
貢監生 恩賜進士舉人副貢分載

武科

武官附

雜科

封蔭

崇陽縣志

卷七選舉

目錄

一



崇陽縣志卷七

三物崇教八才媿休昔榮楚梓今別荆璆黃坑匯  
水紫渡連洲會鍾邦彥百翊

皇猷志選舉

薦辟

薦辟用人其法古矣三代以來漢為盛明次之在  
崇則始於元而盛於明

國朝無之蓋難其人也自制藝設科士人進身多由  
此其幸而遇者即名不副實亦居之不疑不幸不  
遇者委之於數羣扼腕焉及一登薦辟之途則自

崇陽縣志

卷七選舉 薦辟

視欲然旁觀譁然故難也然則人心所重輕古今  
不猶一致乎舊志薦辟不多茲旁搜之又得數人  
並列選舉首編如左

元薦辟二人

周均叔 舉明經為  
宜春山長

廖應元 景雲舉人  
材在評事

明薦辟十三人

胡興福 知縣有傳  
載職官

龔善

黃師魯

廖朝元

胡鑑

丁致和 已上俱舉官  
有傳載職官

黃覺中 以人材授海  
鹽井大使

張勉 舉人  
材

婁原拯以人材授陝西漢中府照磨

王景昭有傳

廖仕貴

朝後洪武間人材任廣東徐聞大使廖秉泰文清仕貴子人材任刁門大使

艾鍾秀

傑子舉明經為岳麓山長

王景昭字德新父原三載人物志僑寓洪武初景

昭以老人應徵人材言事授涿州知州所居邑南

高視山中地稱招賢鄉因景昭名也建文二年靖

難兵起涿隸燕責輸軍糧景昭不從死之

進士

進士科自隋始崇地舉進士自唐稱唐年始由宋

而元侁侁接武蓋不乏人然書志所載惟勝代能

崇陽縣志

卷之七 選舉

進士

二

詳焉相傳宋咸淳辛未邑士捷南宮者三其姓名

俱佚前此可知矣士非具不朽大業欲藉科名以

傳難哉有明時代較近顯達諸公大半如南金東

箭增色山川逮我

國朝繼起雖寥寥尚足追蹤前軌分別觀之若忠勤

若政績若節義若文章各有傳人甲第之重賴有

此耳沿舊志例列表如左次傳其後舉人以下俱

倣此

唐進士二人

金興政御史累任侍郎

金同慶興政子登第各次十一官都守

○右二人通城志亦載時邑稱唐年兼轄通城地  
宋進士九人

溫崇慶二年  
霍友榜

廖思齊以易中周垣  
榜榜眼有傳

徐挺字廷玉  
借祐中

龔士龍借祐中

胡以巽字重申咸道三  
年中年十八

楊起莘寶祐四年友天  
祥榜第二名

徐夢宏文天  
祥榜

廖如琛字子翼  
以書中

陰穎

○按陰穎見陰氏家乘楊起莘舊志稱狀元是科  
前十入皆賜及第也邑老鴉坑有起莘宅遺址墓  
在通城或疑為通城籍非也湖北通志載是科有

崇陽縣志

卷七 選舉

進士

三

楊起莘通城人

廖思齊字國賢父宗仁入隱逸傳思齊深於易嘉  
熙二年進士第二人及第官翰林學士時宋事日  
蹙思齊憤世變拂衣歸里築室南峯課子姪其閒  
遠近從遊者甚衆稱南峯先生

元進士六人

廖正大字端叔號芬  
居明經及第

廖政大字君寶號東  
山以詩及第

李政茂有傳

向世祥評事

廖應用字九善號梅江以  
春秋登乙卯都魁李政敏

李政茂字德芳號方齋以書中延祐元年鄉試明

年乙卯第一人及第刊有慶雲嘉禾表行世中洲  
狀元書屋其讀書處也相傳中州有德芳釣魚臺  
又朝陽洞德芳嘗隱其中  
明進士三十人

楊 昺 永樂壬辰馬 舒 義 永樂甲辰邢寬  
鐸榜有傳 榜有傳列人物

周 易 字秀律天順庚辰 龔 伯甯 成化甲辰李  
王一夔榜外籍中 昺榜有傳

黃 珂 甲辰榜官尚書 饒 裕 壬辰吳寬榜外  
宗泗子外籍中 籍中已上成化

戴 書 宏治壬戌康 王 疇 正德戊辰呂  
海榜有傳 耕榜有傳

汪必東 辛未楊慎 汪文盛 有傳

熊永懋 外籍中官僉事 余 才 甲戌唐皋榜官  
已上俱辛未 少卿外籍中

蔡 乾 丁丑舒芬榜有 陳 誨 嘉靖丙戌龔  
傳已上正德年 用卿榜有傳

崇陽縣志 卷七 選舉 進士 四

汪宗元 己丑羅洪 龔 湜 己丑  
先榜有傳 有傳

黃 華 壬辰林大欽榜外 汪宗凱 乙未韓應  
籍中乙未歸崇 龍榜有傳

饒天民 乙未 汪宗伊 戊戌茅瓚  
有傳 榜有傳

劉景韶 甲辰秦鳴 胡 定 丙辰諸大  
雷榜有傳 受榜有傳

汪廷鈺 丙辰 饒仁侃 壬戌申時行榜  
有傳 已上嘉靖

陳忠愛 萬曆己丑焦 王 仰 己丑見孝子  
竑榜有傳 王廷試傳

孫 鏞 壬辰翁正 熊則禎 丙辰錢士昇榜  
春榜有傳 有傳已上萬曆

王應斗 天啓壬戌文 汪 桂 乙丑余煌  
震孟榜有傳 榜有傳

楊昺字文昭明永樂壬辰進士始觀政都察院郎

爛吏事授廣西道御史調福建道丁憂起補貧至

不能趨朝後爲山東道守正執法以耿介稱凡讞  
大獄廷議多推曷時注尚嚴曷先後疏奏免坐死  
者三百餘人彈劾不避權勢有聲臺中嘗奉差出  
都文皇帝視朝顧近侍問楊御史安往何許久不  
見且云貪官贓吏不怕朝廷卻怕楊御史東宮接  
見廷臣亦稱好御史者再宣德四年擢浙江僉事  
分按浙西徧歷郡縣出繫囚反疑獄部內肅然時  
有賊據金華百丈山蘆弄洞頻出金衢剽掠官吏  
捕之莫可蹤迹曷夜夢神人贈一聯云影入菱花  
秋月裏人如枯草洛陽邊乃識於心曰賊在吾目

中矣明且亟往圍其山賊酋自經餘衆皆散金衢  
以安七年考滿入朝以疾辭歸正統初少傅楊士  
奇少保楊溥薦曷可大用睿皇帝引見擢廣東按  
察使曷奏對操南音出朝士奇詫曰何爲猶土音  
對曰曷世楚人奈何效齊語以媚時耶至廣東大  
雪人以為異曷性質直疾惡如仇前按浙西時布  
政司吏胥爲奸曷榜示禁革不少假借同官咸側  
目自知與時寡合故引疾歸田者七年至是膺薦  
再出年已七十丰裁如昔時履任三載復致仕還  
朝陛辭宰輔以下祖餞者數十人賦詩成東閩

榮之曷老益矍鑠家居不自暇逸修禮法爲宗族式崇政有不便則申下情請改或諷以詩歌邑大夫欽其品望靡不聽從同時吳人周尚書忱亦高年解組每對人稱崇陽楊廉使治獄陰德宜享遐齡云卒年八十六祀鄉賢所著見藝文志

龔伯甯成化甲辰進士知新昌縣公明廉介彋強息訟勸課農桑鑿天寶山引水灌田甚廣舉卓異入覲沒都下民思之私謚端節祀名宦又請特建祠縣左標曰國朝第一愛民父母龔公端節之祠崇祀鄉賢所著有遺草子澁

戴書字天錫宏治壬戌進士始爲南京評事寺正讞獄原情陞四川屯田僉事持守廉潔多所興革鹽法以清歷陝西苑馬少卿以副使兵備甘肅有安邊疏久之病歸家貧無擔石儲不肯投人一刺居林下者十年以薦起臨安兵備平尋甸安銓之亂陞貴州按察使歷廣西江西布政久任不調以大學士李時薦陞副都御史巡撫貴州時有邊患上八可征策當時嘉其區畫云書性剛方屏絕嗜欲儉約如布衣故所至有冰蘖聲卒賜祭葬祀鄉賢

王疇字敘之號石洲守貞次子幼慧不羣三歲失  
母哀毀若成人事繼母尤謹長從楊月湖遊所得  
益遂正德三年成進士授南京大理寺評事論駁  
深諳法律有誣殺人者獄成疇力辨其非人咸譽  
之尋獲犯人於淮北眾稱神明內殿災以四事諫  
毅皇詞出忠悃幾逆天威陟江西僉事四川副使  
致仕歸家手不釋卷性方正恥干有司處清貧晏  
如也頗善飲酒嘗倣古田家苦樂詩作飲酒苦樂  
歌其一云飲酒苦盛服登筵如東楚獻酬揖讓聯  
儔伍主人不譁客偃僂蛇影病疑壁間弩金貂枉

換黃公醕尚書期誤丐莫許濼夫罵坐緣耳語令  
嚴酒史雄貔虎罰解飛觥無敢拒別腸已溢猶強  
貯螫喉攬腹森刀斧淹袖濡裳宵深吐晨餐猶爲  
餘醒阻狂藥傷神竟何補那似盧仝入仙府飲酒  
苦其二云飲酒樂清晝高堂集賢碩青州白墮照  
鐺杓芳肴細核陳紛錯主人能文客能作談經述  
史珠璣落疊鼓清聲振寥廓長笛新腔遏雲脚何  
須紅袖誇綽約各教雍容恣謹謹起坐不被衣冠  
縛接羅顛倒山翁著閒愁浪惱俱銷鑠箇中真趣  
誰知覺我似仙家餐大藥世閒何物能相角飲酒

樂又嘗作廢鐘亭說以見志云客有問王子有興  
廢之事者王子曰物必不廢乎宮成缺隅衣成缺  
衽盈既則虧生焉物必於廢乎柯亭枯篠犧尊文  
木塞久則通至焉吾嘗泛楊子凌彭蠡極目蒼莽  
見風檣浪激湛沒浩渺霜降之候水滢沙際閒出  
顛末居民拔其蘚蠹之餘亦頗裁合爲器雖巨細  
弗類猶竟其材然浸漬腐朽颺爲海塵者不知其  
幾矣又嘗過古都討往蹟登眺名園勝塢見雕甍  
鏤石委棄爲墟枕藉草莽往往爲畦人耕叟拾而  
擲之敗垣仄徑之間與夕陽晨月掩映遠邇雖崇

卑弗類猶竟其材然衣被糞壤風露不沾者亦不  
知其幾矣客曰吾子聞鐵侯之言乎崇城寺隙有  
鐘在圯處亡紐存無慮百祀款識孔昭人其已矣  
清響闐寂我情用泚感時觸事我心悽只睠彼公  
署草亭葺爾移以冒之或蔽風雨竅議異同欲舉  
復止鐘旣無庇亭亦奚取乃排羣言搢此就彼因  
以名亭以俟君子千載一時庶幾其起王子曰嘻  
鐵侯其以鐘之廢猶人之廢耶是大不然方鐘之  
始聚金剉冶召匠成模鼓以烈燄釁以大牲懸以  
巨繚藏以名利鳴以修槌固欲其永天地而引日

月也一旦棟燬梁摧居移動改啗然墮地與瓦礫  
等誠若有可慨者然實虛舟之觸耳借鐘有知其  
將何尤人之廢也則不然愛憎相加升沈係之夙  
念未平舊怨稍修僧孺憶塗竄之文浩然誦主棄  
之句夫是之謂勢廢知巧雜進機械梟張笑談胡  
越翻覆雲雨無極信而胡吳奔蔡澤人而應侯謝  
夫是之謂謀廢名爭於朝勇生於進勝亡則怒讓  
能未遑川洛互肆其譏訶德遠猶色於武穆夫是  
之謂忌廢若是者千態萬狀不可勝數胡鐘之足  
云客曰子徒知廢其興之病於意也抑孰知興其

廢之亦猶是歟彼尹就箕囚說築呂鈞不可尚也  
若夫贖越石以左驂進駸明於堂下翟公之復召  
涑水之再相若是者亦未可縷數也子何泥於獨  
見而望斯人之弗厚歟王子曰直木先伐甘泉先  
竭皦皦者易汙礲礲者易缺非造物之不可知則  
人之未定耳未容推己之怨也盍曠聽於毀譽而  
忘情於寵辱乎徜徉於盈虧通塞之際而順受之  
乎鐘乎人乎物乎我乎興於廢乎納諸無何有之  
鄉乎客曰敬聞命矣其爲我書之將以諭於鐵侯  
疇善書工詩古文辭每講文不必模擬詩不必

襲發吾蘊而不戾於古斯可矣所著文集盡散佚錄其存者可知梗概云子近光近敏近素近篤

汪必東字希會號南雋以易登正德辛未楊慎榜授戶部郎中出任天津戶部分司轉禮部祠祭郎中時毛澄爲宗伯以必東文詞優贍凡郊廟大典禋祀文移悉出其手嘉靖初議大禮侃侃不撓廷杖瀕死尋少參廣西總督姚鏌討平土官岑猛等善後事必東與僉事申惠參將張經以兵鎮其地猛黨復圍城張經出走城陷必東與惠先移軍他駐得免尋進雲南大參表楚莊躋開滇功發滇名

楚雄以躋功故檄父老祀之躋之歷久而始祠自必東始祠成爲文告之滇世奉焉必東生平篤於風義遂於經史不喜談象山學工書逼真義獻海內有獲其片紙隻字者相傳珍玩長於詩古文官天津時構浣俗亭引客觴咏著望海賦名聞天下其之廣西經洞庭登岳陽樓詩有云廊廟近聞方有喜江湖那得獨無憂惓惓君國蓋出天性云所著見藝文志子如璧

汪文盛字希周藻次子幼穎靈不凡少長肆力於學與兄文明友愛篤至夙夜麗益年十八以詩領

正德庚午鄉薦十九成進士授饒州推官淮王祐  
榮游戲無度左右倚勢暴橫文盛持王府事甚嚴  
悉繩以法有顧嵩者病狂挾刃入府門官校執詰  
之誣文盛指使下獄訊治乃日從狴犴中誦春秋  
三傳者爲辨說根究理要人之得白釋還官適桃  
源寇起蹂躪德興都御史俞諫陳金檄往視師文  
盛單騎奮愾悉心規畫多中機宜召入爲兵部主  
事偕同官諫武宗南巡杖闕下瀕死者再嘉靖初  
奉詔同給事中夏言御史鄭本公覈親軍及京衛  
冗員汰三千二百人裁抑璫戚蕩滌表穢羣姦屏

崇陽縣志

卷七 選舉

進士

十一

跡輦下爲肅清出守福州建三山書院梓兩漢諸  
史招致詩人高激傳汝舟輩相與討古構羅一峯  
祠表鄭少谷墓罷一切淫祀省浮費無算福州東  
濱海琉璃諸國人貢舟航時集乃築羅源諸城處  
之五年夏大旱濬上王港以利灌注禱雨甚虔憂  
思焦勞形諸篇什報災自劾疏云臣竊聞古之牧  
民者務在四時守在倉廩天不生財地不出寶則  
田野荒蕪田野荒蕪則倉廩不盈倉廩不盈則民  
乃草菅將捐其地而走矣臣又聞能積於不涸之  
倉藏於不竭之府者可禦水旱之來當患而爲之

備旣災而爲之捍者可免流離之苦天災流行國  
家代有救災卹民古之道也臣謬以疎庸之才濫  
叨牧民之寄涖郡以來勉思報稱夙夜兢惕未知  
所云爲照福州府地方所屬九縣濱依山海巖谷  
多而膏腴之壤狹陂渠少而灌溉之備疎居里無  
甚裕之家蓋藏有幾鄰粟無可通之路轉販尤難  
故於歲事之盈虧尤切生民之利害前年以來陰  
鬱尤甚雨水過多田地崩陷種穫不廣所產枝員  
果木根苦久浸枝幹折拔於颶風子實垂結而墮  
落瓜菜薤芋虛名無補蕎麥麻豆鹹地匪宜今年

春正月至於夏四月連雨日夜不止平疇蕩爲巨  
浸者浹旬禾苗坐見渰沒者過半五月中旬至七  
月亢陽爲災易月不雨顧茲平壤全無膚寸之滋  
瞻彼高原皆如卦兆之坼雲方凝而復散雨欲作  
而驟休雖祈禱之具修緣感通之殊邈旱禾水淹  
未盡者或爲旱氣所傷多是白秕或爲螟蟲所食  
止有薄收況本地全賴晚禾大冬二項濟飢災天  
毒瘴土脈乾燥犁鋤不入赤地相望卽今晚禾秧  
苗旱死全未布插大冬已插在田一切鞠爲枯草  
無泉源爲之灌輸有風日爲之炙鑠曠野難耕皆

成槁白稗苗方秀頓覺萎黃節序已過原野如焚  
縱獲秋霖無益穡寶臣忝司牧民目覩災旱民不  
得所咎必有由謹按去冬十二月以至今年夏秋  
日落之時赤紅異色蔽天西北方如火光凝薄或  
至經夜不散梅花嶺東地方海水忽赤經日復清  
魚鰕可數省城左右旂鼓二山前後夜鳴各處井  
泉枯竭入夏以來耳不聞蟬蛙蚓不鳴臣之愚陋  
固不能仰測天文俯求地理旁究物情然推之於  
人事則有隱憂者矣何者赤紅之氣正當西北之  
方是陽德不順常當其下有兵荒之象也海之爲

言晦也濁黑而晦乃其常性今清固反常赤又難  
委於古矣山體本靜旂鼓宜偃仆今乃飛鳴是不  
靜而攝動者之職於法爲賊也井泉竭地道泄也  
夏無蟬鳴溼不能化附翼也土不反宅蛙蚓結也  
天告於上地告於下物告於中人有訛言野有諱  
語稽諸數端恐不但旱荒而已揆厥所由匪降自  
天皆由臣不能慎身奉法平政召和以延民命徒  
爲民之牧食民之粟飲民之水以致上天降罰不  
於罪身反耗斲下土一郡之田盡受赤裂詩云泉  
之竭矣不云自中言禍亂有所由起也今臣待罪

福州已及三年食不止福州數升之粟飲不止福  
民數杯之水爲民不利上干天和重傷國本如此  
則夫旱災之來其由臣身也必矣臣又聞古者三  
年耕有一年之積九年耕有三年之積閩版籍繁  
而食地淺爲者寡而用者多上農之夫中豐之歲  
公私並用已有不及在昔如此況於今日乎小民  
廢於生穀半牟轉輸之利腴田苦於兼併不知儲  
峙之法故一旦饑饉萬目睽睽眾口嗷嗷奔走告  
急乃其真情昔管仲曰粟行於五百里則衆有饑  
色其稼亡三之一者命曰小凶小凶三年而大凶

大凶則衆有遁去在昔如此又况於閩民今歲之  
旱乎將來之勢意外之患可以逆見臣所以不敢  
避斧鉞之誅而上瀆聖明之聽也伏望皇上軫念  
邊陲哀其困苦視萬民如密邇四方如邦畿亟勅  
戶部從長議處將該年稅糧蠲免轉行鎮巡等官  
多方設法處置穀米以備賑濟料理邊防用戒不  
虞仍亟勅工禮二部將各年未完并本年坐派暫  
且停止候有收之年帶徵古人云所費者財用所  
收者人心是大有望於今日也竊又念臣牧郡旣  
已無狀腆顏就列心甚不安乞將臣早賜罷黜以

消天譴以謝人怨別選賢能官員前來拊循凋瘵  
之民舉行救荒之政地方幸甚人民幸甚文盛夙  
多病經憂勞益加又因母病垂危具疏乞養云臣  
聞陳力就列不能者止臣又聞器有所極強之必  
傾志有所安違之必敗蓋器循良而易施君子不  
強量以邀受志過求而難勉明王無拂願以責功  
臣實庸流行能無算幸屬天地純和山川容納鼓  
舞生成三十九歲虛糜廩祿十又六年撫臆論心  
刻肌鏤骨感恩圖報臣之志也殉國忘身臣之忠  
也顧葵藿之性雖見日而卽傾奈蒲柳之姿則望

秋而先謝伏念臣早年遇事風霜不計於殘軀中  
歲纏河藥餌有同於常膳多而罔效勞則鮮功徒  
抱許國之忱未講衛生之術迫王程之有限念官  
守之尚遙嘉靖二年十月初一日前來福州府到  
任力疾管事觸犯瘴癘動勞精神偶值庸醫用方  
乖繆差之指下禍延四肢幾至不仁僅存餘喘邇  
者地方旱災殊甚昧先量已志欲補於休明失在  
信書事浸過於煩碎夙夜憂勞痰火交作有攻心  
之病無對證之藥卒難平復遂成怔忡外若充盈  
中實虛損氣血潛耗智慮全衰筋力乏於步趨耳

目憊於聽覽器本小而易盈志欲前而不逮而臣  
母氏夏舊感痰疾心腹滿脹母欲臣之宦成隱忍  
不言臣欲母之心悅勉強就列惟遷延以度日欲  
僥倖而收功不寤自秋徂冬日甚一日步履艱難  
飲食少進近寄家書思臣一見夫私家無不得已  
之情則居官不見馳驅之苦腹心無可攻之疾則  
手足不知從事之勞臣之愚頑母氏鍾愛聞臣有  
病愈見焦勞臣以念母而病益增母以思臣而病  
未愈天地之間無有如臣母子至情之苦也臣之  
進退實爲狼狽況臣母年七十二歲而臣任離五

千餘里病因慮過藥石難攻老與時違調護最切  
所賴思子而卽見庶幾因喜而或痊苟天命之勿  
損實聖恩之無窮今臣病臥牀褥日月沈重官舍  
非調養之所郡牧非閒曠之官母老而不歸親危  
而不顧有臣如此將安用之擢髮不足以數臣之  
罪瀝血不足以寫臣之忱乞勅該部查議准臣致  
仕俾得解組官廕還車故里尋醫問藥投老山林  
事親讀書擬迹賢哲匹夫自盡各伸所志之私萬  
物由夷皆受曲成之賜疏上未報丁母憂歸福人  
懷之爲建節愛祠服滿起浙江提學副使下車卽